



國家清史編纂委員會·文獻叢刊

六編

清代稿鈔本

第二六五冊

國家清史編纂委員會・文獻叢刊

六編

清代稿鈔本

第二六五冊

廣東省立中山圖書館
中山大學圖書館

編

主編 桑兵
副主編 李昭醇
程煥文 劉洪輝

SPM

南方出版傳媒
廣東人民出版社

・廣州・

第二六五册目錄

後漢書纂要

.....

後漢書纂要

原一百二十卷，存七十六卷

朱彝尊 撰

鈔本

後漢書纂要三十五

張曹鄭列傳第二十五

張純字伯仁京兆杜陵人也高祖父安世宣帝時為大司馬衛將軍封富平侯父放為成帝侍中純少襲爵土王莽時以敦謹守約保全前封建武初先來詣闕故得復國五年拜太中大夫使將潁川突騎安集荆徐揚部督委輸又將兵屯田南陽遷五官中郎將有司奏列侯非宗室不宜復國光武曰張純宿衛十有餘年其勿廢更封武始侯食富平之半純

在朝歷世明習故事建武初舊章多闕每有疑議輒

一

以訪純自郊廟婚冠喪紀禮儀多所正定帝甚重之數被引見一日或至數四純以宗廟未定昭穆失序十九年乃與太僕朱浮各奏言陛下興於匹庶蕩滌天下誅鉏暴亂興繼祖宗竊以經義所紀人事衆心雖實同創革而名為中興宜奉先帝恭承祭祀者也元帝以來宗廟奉祀高皇帝為受命祖孝文皇帝為太宗孝武皇帝為世宗皆如舊制又立親廟四世淮南潁君以上盡於舂陵節侯禮為人後者則為之

子既事太宗則降其私親今禘祫高廟陳序昭穆而
春陵四世君臣並列以卑廁尊不合禮意設不遭王
莽而國嗣無寄推求宗室以陛下繼統者安得復顧
私親違禮制乎昔高帝以自受命不由太上宣帝以
孫後祖不敢私親故為父立廟獨羣臣侍祠臣愚謂
宜除今親廟以則二帝舊典願下有司博采其議詔
下公卿大司徒戴涉大司空竇融議宜以宣元成哀
平五帝四世代今親廟宣元皇帝尊為祖父可親奉
祠成帝以下有司行事別為南頓君立皇考廟其祭

上至春陵節侯羣臣奉祠以明尊尊之敬親親之恩
帝從之 三十年純奏上宜封禪曰自古受命

而帝治世之隆必有封禪以告成功焉樂動聲儀曰
以雅治人風成於頌有周之盛成康之間郊配封禪
皆可見也書曰歲二月東巡狩至于岱宗柴則封禪
之義也臣伏見陛下受中興之命平海內之亂修復
祖宗撫存萬姓天下曠然咸蒙更生恩德雲行惠澤
雨施黎元安寧夷狄慕義詩云受天之祜四方來賀
今攝提之歲蒼龍甲寅德在東宮宜及嘉時遵唐帝

之典繼孝武之業以二月東巡狩封于岱宗明中興
勒功勳復祖統報天神禪梁父祀地祇傳祚子孫萬
世之基也中元元年帝乃東巡岱宗以純視御史大
夫從并上元封舊儀及刻石文 三月薨 奮

奮字穉通父純臨終勅家丞曰司空無功於時猥蒙
爵土身死之後勿議傳國奮兄根少被病光武詔奮
嗣爵奮稱純遺勅固不肯受帝以奮違詔勅收下獄
奮惶怖乃襲封 子甫 甫 子吉 自昭帝封安
世至吉傳國八世經歷篡亂二百年間未嘗譴黜封

者莫與為比

曹褒字叔通魯國薛人也父充持慶氏禮 褒少篤志有大度結髮傳充業博雅疎通尤好禮士常憾朝廷制度未備慕叔孫通漢禮儀晝夜研精沈吟專思寢則懷抱筆札行則誦習文書當其念至忘所之適初舉孝廉再遷圉令以禮理人以德化俗 會肅宗欲制定禮樂元和二年下詔曰河圖稱赤九會昌十世以光十一以興尚書璇璣鈴曰述堯理世平制禮樂放唐之文予末小子託于數終曷以續興崇弘祖

宗仁濟元元帝命驗曰順堯考德題期立象且三五
步驟優劣殊軌況予頑陋無以克堪雖欲從之末由
也已每見圖書中心慙焉褒知帝旨欲有興作乃上
疏曰昔者聖人受命而王莫不制禮作樂以著功德
功成作樂化定制禮所以救世俗致禎祥為萬姓獲
福於皇天者也今皇天降祉嘉瑞竝臻制作之符甚
於言語宜定文制著成漢禮丕顯祖宗盛德之美章
下太常太常巢堪以為一世大典非褒所定不可作
帝知羣寮拘攣難與圖治詔召立武司馬班固問

後漢書卷之四

一

改定禮制之宜固曰京師諸儒多能說禮宜廣招集
共議得失帝曰諺言作舍道傍三年不成會禮之家
名為聚訟互生疑異筆不得下昔堯作大章一夔足
矣章和元年正月乃召褒詣嘉德門令小黄門持班
固所上叔孫通漢儀十二篇勅褒曰此制散略多不
合經今宜依禮條正使可施行於南宮東觀盡心集
作褒既受命乃次序禮事依準舊典雜以五經讖記
之文撰次天子至於庶人冠婚吉凶終始制度以為
百五十篇寫以二尺四寸簡其年十二月奏上帝以

衆論難一故但納之不復令有司平奏

論曰漢初天下創定朝制無文叔孫通頗採經禮參酌秦法雖適物觀時有救崩救然先王之容典蓋多闕矣是以賈誼仲舒王吉劉向之徒懷憤歎息所不能已也資文宣之遠圖明懿美而終莫或用故知自燕而觀有不盡矣孝章永言前王明發興作專命禮臣撰定國憲洋洋乎盛德之事焉而業絕天算議黜異端斯道竟復墜矣夫三王不相襲禮五帝不相沿樂所以咸莖異調中都殊絕況物運遷回情數萬化

後漢書

制則不能隨其流變品度未足定其滋章斯固世主
所當損益者也且樂非夔襄而新音代起律謝臯蘇
而制令亟易修補舊文獨何猜焉禮云曷其然
哉

鄭玄字康成北海高密人也 少為鄉嗇夫得休歸

常詣學官不樂為吏父數怒之不能禁遂造太學受
業 通京氏易公羊春秋三統歷九章算術 周官

禮記左氏春秋韓詩古文尚書以山東無足問者乃
西入關因涿郡盧植事扶風馬融融門徒四百餘人

升堂進者五十餘生融素驕貴玄在門下三年不得見乃使高業弟子傳受於玄玄日夜尋誦未嘗怠倦會融集諸生考論圖緯聞玄善算乃召見於樓上玄因從質諸疑義問畢辭歸融喟然謂門人曰鄭生今去吾道東矣玄自遊學十餘年乃歸鄉里家貧客耕東萊學徒相隨已數百千人及黨事起迺與同郡孫嵩等四十餘人俱被禁錮遂隱修經業杜門不出時任城何休好公羊學遂著公羊墨守左氏膏肓穀梁廢疾玄乃發墨守鍼膏肓起廢疾休見而歎曰康成

後漢書卷之八

一

入吾室操吾矛以伐我乎 靈帝末黨禁解大將軍

何進聞而辟之 為設几杖禮待甚優玄不受朝服

而以幅巾見一宿逃去 國相孔融深敬於玄屣履

造門告高密縣為玄特立一鄉曰昔齊置士鄉越有

君子軍皆異賢之意也鄭君好學實懷明德昔太史

公廷尉吳公謁者僕射鄧公皆漢之名臣又南山四

皓有園公夏黃公潛光隱耀世如其高皆悉稱公然

則公者仁德之正號不必三事大夫也今鄭君鄉宜

曰鄭公鄉昔東海于公僅有一節猶或戒鄉人多其